

NDRR dak sendakba nung workshop tenzükogo



Dimapur, Luroi/August 8 (TYO): Nagaland State Disaster Management Authority (NSDMA) aser United Nations International Children's Emergency Fund (UNICEF) na longjemer anogo ana atema Nagaland Disaster Risk Reduction Roadmap (NDRR) 2023-2030 dak sendakba nung workshop ka ayongzükba August 8 nü Capital Convention Centre, Kohima nung tenzükogo.

Sentong nung o jembiba mapang Advisor, New & Renewable Energy and NSDMA, Z. Nyusieto Nyuthe-i ashiba agi, Nagaland ya most vulnerable seismic zone nung amendaka lir aser ali tashi mait aser anentsüh, tzümetsüng, menoknok, morok mi aser mopung tesashi amala agi kongshitsü ana nung lir. Paisa, Chief Minister aser Chairman NSDMA, Neiphiu Rio lenisüba nung NSDMA-i, tarutsü nung iba amala lendong nungi Nagaland kümzüka toktsütsü atema Nagaland Disaster Risk Reduction Roadmap ka yangluogo, ta ashi.

Pai, NDRR ya policy document ka lir, koba tarutsü nung state lendong balala nungi jenboa toktsütsü atema tasa balala asateta ayuba kuli kaket ka lir. Iba ya NSDMA-i design asü aser UNICEF-i technical

teyari agüja liasü, ta ashi. UNICEF den longjemer NSDMA-i aniba workshop ya tarutsü nung iba roadmap takok ngua benoka inyakstsü atema lenmang bushitsü atema lir, ta Nyuthe-i ashi.

NDRR Roadmap sayaba mapang Nyuthe-i ashiba agi, iba ajanga Nagaland tarutsü tajungba ka asoshi terenlok sayur.

Maneni Nyuthe-i sentong nung shilem agir ajak dang result-oriented project proposal formulation methods aser techniques tem angazüksü ajungshi, koba Nagaland indang topography, geomorphology aser sobaliba temulung dang yur yangluogo, ta ashi.

Loki pela agizükba o jembiba mapang Joint Chief Executive Officer NSDMA, Johnny Ruangmein-i, Nagaland Disaster Risk Reduction Roadmap dak sendakba nung workshop ya state nung lendong atalokba mapang teraksatsüba tajemba kümdakstsütsü, tzümopung meleshiba ajanga state dak kongshiba aser sustainable development goals ajangzüksü atema jenjang agitsü asoshi stakeholder tem nem practical guidance agütsütsü nükjidong nung agir ta ashi.

Ruangmei-i, Nagaland disaster Risk Reduction Roadmap indang workshop

indang nükjidong lemsatep koba: 1. 2010 nungi 2020 tashi lendong balala ajanga teraksatsüba bener arutsüba aser takoksa ajangshiba baseline ka yangluogo.

2. Stakeholders (Government, Civil Society Organisations, Academic Institutions, Private Sector and UN Agencies) tem DRR actions atema longjemtsü aosschi lenmangtem bushitsü.

3. DRR, SFDRR, SDGs dak sendakba nung Prime Minister indang Ten Point Agenda aser Paris Agreement commitments dak ajemdaker stakeholders tem atema short, medium aser long term targets tem ayutsü. Short term actions atema mapangji küm 0-2 asütsü, medium term action atema küm 2 nungi 4 aser long term action atema küm 4-8 tashi asütsü, koba technology renloka aoba aser nüngdaka apir melenshia aotsü akok.

4. Stakeholders tem nungi meimchir aser rongsenketzung resources atema long-term commitment tem anepalutsü atema lir. Workshop nung Mukunda Upadhyay, senior consultant, DRR, UNICEF India aser Rahul Dey, technical expert, UNICEF India na shisalen sayur lir.

Youth Resources & Sports-i ken o jangjashitsü

Dimapur, Luroi/August 8 (TYO): "Kechiba sorkar sen crore 33 alang Khelo India project renemer alibatem Nagaland sorkari lapokshir" ta August 5 nü Nagaland News Network osangbener Esther Verma-i ashishiba dak sendakba nung Department of Youth Resources & Sports-i ken o jangjashitsü.

Department-i ashiba agi, Ministry of Youth Affairs & Sports, GoI-i state nem project 11 sanction sütsü aser item rongnungi ka Imphal, Manipur nung amendaker aliba Sports Authority of India regional office nem aser tanungba Department of Youth Resources & Sports ajanga Nagaland sorkar nem agütsü.

Osangbeneri shisembra

project pongu ya 2020 küm tenzük aser mapang tatakzük ka tsüngda tembangba liasü. Mapang tembangba sülen project tem ya Union Minister for Youth Affairs & Sports and Information & Broadcasting, Anurag Singh Thakur-i 2024 küm March 11 nü lapokja liasü.

D e p a r t m e n t - i s a , mezunguba nung project tem lapokshi ta asüba ya shitak masü, kechiyong item project tem ya Union Minister for Youth Affairs & Sports-i Chief Minister Nagaland matsüngdang virtually lapokja liasü. Kasa ya osangbeneri sayuba noksa nunga nguogo.

Tanabuba nung osangbeneri, fund ya sanction asüba mapang ajak agütsü ta aibelena bilemogo. Fund ya sanction asü aser iba

sülen Khelo India operational guidelines dak ajemdaker nükjidong yur aliba tongtetba sülen shilem balala kümä lemsar agütsür, ta Dept-isa metedakstsü.

Department-i ashiba agi, saisapong ajanga lanurtem ajungketsü atema nüburtem aser stakeholders tem ajaki shilem agiba atema kanga pelar, saka osang tejangja memeteti prokshia nüburtem anisaba ya terenlok asoshi tapet masü.

Maneni ken o mejangjai alibatem kecha meimshia meuyi jangjashitsütsü atema Department renema lir ta kasa sangdong ajanga metedakstsü. Department-isa, media house tem dang tang osang agütsüba ama inyakym ka maitsü tsüngda kuli tejangja mezung bushitsü mepeshia metedakstsü.

SÜR KÜM 25 AJUNGBA

1917 – 1999



Asür Immasosang Longkumer (Yaongyimesen)

Akum taket oba, na arishi küm 82 tashi Tsüngremi arishia toktsü dang nai rara tajungjia raratetogo aser tamangjia yutetogo. Ano ochi nung alizüng tonga asemogo nei ! Nai onok toktsür tanü küm 25 ajunger. Na meliaka onok nü temoatsü nung alir. Oba nü mapa tajung aser ochi onok den teti lir.

~ Temeim Chirnur, Semchir & Anukapang.

Wokha DC-i tekümdangtsü metedakrtsü

Dimapur, Luroi/August 8 (TYO):

gates lapoktsütsü. Iba inyakym benoka inyaksangshiba mapang tzü talila Doyang Power House adena Doyang ayonglang leni yima alutsü.

Anungji nüburtem dang radial gates lapoktsüba mapang Doyang ayonglanglen aser tementsüng nung tzü mawatsü, ango maputsü, camping masütsü aser ayongküm nung inyakym kecha benoka minyakstsü DC-i tekümdangtsü metedakstsü.

Iba dak sendakba nung Tzü

talila tazüökba kübok chioctsü

atema Doyang Dam radial

NBSE-i ayongzüka Art Competition atema sempet agütsüba sentong agi



State Level Art Competition 2024 nung takok angurtem aser ketdangsürtem tangokba noksa nung angur.

Kohima, Luroi/August 8 (TYO):

school education & SCERT aser Temsunaro Aier, State Mission Director Samagra Shiksha Nagaland nati takok angurtem nem sempet lemja lisü.

Kevileno Angami-i, tetoktepba nung shilem agir ajak nem tenüngsang agütsü aser parnok dang maneni parnok sempet arangtetshia amshitsü ajungshi.

"Meranga minyaki kecha majangzükteter," ta lai ashi.

Lai kaketshirtem dang ashiba agi, art ya pei tebilemba aser yimdagjempem lemsatepba ka lir aser iba ajanga sangrasangji ajungketer.

Sentong nung NBSE chairperson, Asano Sekhose-i, tetoktepba indang tatsü agi metedakstsü. Iba sentong nung Director SCERT Nagaland Kevirale-ü Kerhuo-a densema lisü. Sentong ya NBSE secretary Rangumbuing Nsarangbe lenisüba nung agi.

GOVERNMENT OF NAGALAND DIRECTORATE OF TECHNICAL EDUCATION NAGALAND: KOHIMA

NO. DTE./ESTT-2/02/2023-24/

Dated, Kohima the 8th August, 2024

NOTIFICATION

On the recommendation of Common Selection Board the provisional selected list of students for under-graduate degree courses in Para-Medical, Agri & Allied courses for the session 2024-25 has been declared based on the merit list of CUET-UG 2024. The same can be accessed from the Department website: www.dte.nagaland.gov.in.

Selected Candidates are informed to report to the office of the undersigned on or before 12th August, (Monday) 2024 till 4:00 PM to confirm their acceptance of the allotted seat. Failure to report on the same shall be considered as declined of seats.

(Er. VIPULHOU LHOUNGU)
Director.



August 08, 2024 nü Parliament senden aliba mapang Lok Sabha nung opposition lenir, Rahul Gandhi den Congress MP tem- KC Venugopal aser Gaurav Gogoi nunger senden nungi ayazuka aludang tangokba noksa nung angur.

CBI-i sübokremkenonung Delhi nung ED Assistant Director puogo

New Delhi, August 08 Director Sandeep Singh Yadav-
(Agencies): Central Bureau of Investigation (CBI)-i Delhi nung sübokrem dak sendakba ken o ka nung Enforcement Directorate (ED) Assistant Director ka puogo.

ED Assistant Director, Sandeep Singh Yadav jagi Mumbai nung sentioset shishilembar ka ket nungi sübokrem tagizükdak mapang nung jakdaka apu.

August 3-4 anogotem nung ED-i sentioset shishilembar kiji mita oa liasü. Iba sülen Assistant

Taoba ita nunga CBI-i shishilembasang dangji, pa nem sübokrem agiba ken o balala ana sen lakh 25 magütsüra par jabaso aputüsü, ta amokmerena liasü.

Testisa ED kettangser lagi sübokrem sen lakh 20 dang agi.

Yaküm August ita nunga sübokrem agiba ken o ka nung CBI-i ED Assistant Director ka Taxes (CBDT) aser Central Board of Indirect Taxes and Customs (CBIC) nungi kettangser 30 Directorate nung Assistant Director 30 shimba rongnung Sandeep Singh Yadav-a densema liasü.

Khatri pua liasü.

Taoba mapang Bengal Chief Minister, Buddhadeb Bhattacharjee süogo

Kolkata, August 08 (Agencies): Taoba mapang West Bengal nung Chief Minister aser CPM lenir, Buddhist Bhattacharya mapang talangka shiranga aruba sülen Brihostibarnep Kolkata nung lia süogo; pa arrshi küm 80 liasü.

Pa ya CPM party nungi aser pa 2000 nungi 2011 küm tashi Chief Minister inyaka liasü.

Yaküm July 29 nü Bhattacharya pneumonia agi shiranga Alipore nung aliba nung lao. Pa asuba osang angashia West Bengal Chief

Minister, Mamata Banerjee-i mangyim jashi lemsatepogo.

Trinamool Congress tongti lenir, Mamata Banerjee-I X ajanga, "Taoba mapang West Bengal Chief Minister, Buddhist Bhattacharya

Bengal nung Left sorkar küm 34 tashi aliba sülen 2011 küm pa mapang nung Left sorkar lao. India nung democratic yimya nung nüburtemi shimtetba communist sorkar mapang talangtiba alibaji pa mapang nung lao. Pa asuba osang angashia West Bengal Chief

ajungbena asuba osang angashia jashir. Ni pa tesüiba küm aika meteta liasü aser tesüiba küm ishika pa shirangdang ni par ki ishiben semdangogo. Tang ni kanga jashi mangyimer. Tang ama mapang ka nung ni Meeradi aser Suchetan na den mangyim jashi lemsateper. Ni CPI (M) party nung züngsem ajak aser party pusemertem ajak den tejashi lemsateper," ta metedaktsü.

Kechiba CMHIS (EP) Category nung adener government mapa nung teinyakdak pur aser pensioner-termeyong cards karaa agizüka inyaktsür, maka CMHIS General Category rongnung adener teyari angutsür pur indangbo menutsür, aji tejak repranga inyakba agi asü? Teyari agütsüba sentong nungi teyari agitetsü atema nisung shiai pei taküm indang temetettsütem aser temsüa aliba kuli tejangja agütsütsüla.

Anungji, CMHIS (EP) telok nung adener rogotem indang kuli jangjatsü atemabo melamelar, kechiyong parnokbo government mapa nung inyak dang parnok temettsutem aser kuliji Government PIMS database nungi metetter aser mapa nungi anener külerna pensioner-tembo parnok meyong PPO book akaba ajanga jelia jangjashir atar.

Ajisüaka, CMHIS (General Category) nungi teyari angutsü atema CMHIS portal nung tenüng tasen züluokertembo, parnok meyong temettsürtem yangji malir.

Anungji, teyari angutsü purtemi parnok pei pei meyong Indigenous Inhabitant Certificate (IIC) mesüra Permanent Resident Certificate (PRC) agütsüba kulitem jangjashia inyak dang mapang agitsüsa akümer.

Item kuli kakettemji pei pei district nung district administration-i jangjashitsü atema reprangdang mapa ana adoker:

1. VA (Verifying Authority) – Kuli kakettem jangjashiba mapa inyaktsü purtem.
2. AA (Approval Authority) – Repranger tesisa approve asütsü purtem.

Anungji, General Category pur atema CMHIS cards yanglu dang mapang agibaji, tanga tebilembo meshitakba agi masü, maka item kakettem jungjunga jangjashia repranga inyakba ajanga lir.

Waqf Bill ya yimsü temeden aser linük temzung anema lir: Opposition

New Delhi, Luroi/August 08 (Agencies): Brihostibarnü Parliament nung Congress party leniba nung opposition-i Narendra Modi-i aniba sorkari Waqf Boards Act yanglushitsü atema bill benokba anema longkak aitogo.

Minority & parliamentary affairs minister, Kiren Rijiju-i Waqf Act yanglushitsü atema Bill benokdang Congress MP, KC Venugopal-i iba bill ya linük temzung alema lir, anungji linük nung federal sorkar kümzüktsü atema iba bill ya agienadoktsüla, ta takhangba agütsü.

Anepdang Allapuzha nungi MP-i Lok Sabha senden nung iba Bill anema nokdaktsü atema jelia metedakja liasü. Venugopal-i, Muslim nunger masürtem Waqf Board nung züngsem shimtsü benokbaji yimsü temeden anema inyakba lir, ta metedaktsü.

Iba ya ozüng tesashi aser linük temzung alema lir, ta Venugopal-i ashi.

Paisa, tawa Lok Sabha election nung nüburtemi BJP dang melungdangtsü lesson sayuogo, ajisüaka BJP-i maneni telemza adokdaktsüba politics asayar, ta ashi.

Congress lenirisa, Maharashtra aser Haryana na nung assembly elections agitsü aliba nung rangloker BJP-i iba bill ya benoker, ta aitsü.

"Iba sülen nenoki

Form No. 3

[See Regulation-15 (1)(a)]/16(3)

DEBTS RECOVERY TRIBUNAL GUWAHATI

Suwarna Bhawan, House No. 12, New Town Path, Near Hanuman Mandir, G. S. Road, Ulubari, Guwahati-781007 (Assam)

Case No.: OA/231/2024

Iba Act nung section 19 kübok sub-section (4) nung ajemdaker jaoker, Debt Recovery Tribunal (Procedure) Rules, 1993 indang Rule 5 kübok sub-rule (2A) den azüngtsü akok.

Exh. No.: 4383

STATE BANK OF INDIA

-Vs-

M/S AYEMI ENTERPRISE & ORS

To,

(1) M/s Ayemi Enterprise Proprietor Late Ihsoshe Aye, Represented By Mr Inaputo Ayemi, H. No. 161, Nihokhu, Village Nihokhu, Niuland, Nagaland- 797109

(2) Mr. Inaputo Ayemi S/o Late Ihsoshe Aye, Proprietor of M/s Ayemi Enterprise, H. No. 161, Nihokhu, Village Nihokhu, Niuland, Nagaland- 797109

(3) Mrs.Tovini W/o Late Ihsoshe Aye, H. No. 161, Nihokhu, Village Nihokhu, Niuland, Nagaland-797109

JAOKER

25.07.2024 anogo nung Hon'ble Presiding Officer/Registrar matsüngdang OA/231/2024 benoka liasü.

Rs. 9513459.37- sentüsü atema iba Act kübok section 19(4) application nung ajemdaker na anema (OA) benoka Hon'ble Tribunal-i jaoker/ notice agütsü (application den documents copies densema lir).

Iba Act nung section 19 kübok sub-section (4) nung ajemdaker defendants dang teküboklen aliba tetuyuba agütsü:-

(i) tajaba agütsüba sülen anogo semer nü tsüngda relief asoshi mepishibaji kechiba magütsüla, iba kuli ji sayutsü metedaktsü;

(ii) Original application nung serial number 3A kübok applicant-i shia aliba kiojen aser assets das alia tanga aser assets sangdongtsüla;

(iii) Original application nung serial number 3A kübok shia aliba kiojen aser assets ayoktsü mesüra item kiojen atema inyaksangshitsü memelar;

(iv) Security interest atema inyaksangshiba dak alaka Tribunal dang nungi jelia temeloba magii original application nung serial number 3A nung shia aliba kiojen mesüra tanga assets ayoktsü, lease asütsü mesüra tanga kecha inyaksangshi masütsüla;

(v) Ordinary business ajanga secured assets mesüra tanga assets aser kiojen nungi yokzükba senji security interest soita aliba bank mesüra financial institutions indang account nung deposit asütsüla.

Nü dang tezüloba nung sangdong applicant nem agütsütsü tuyur aser 02.09.2024 anogo nung anepdang 10:30 ako nung Registrar matsüngdang arutsü tuyur, yamaji meinyakra application ji angadangtsü aser na meliaka telemteba agütsü.

30.07.2024 anogo nung tsünglanglen kü meyongnem den iba Tribunal indang seal agütsü.

Registrar
Debts Recovery Tribunal, Guwahati



NAGALAND HEALTH PROTECTION SOCIETY

Kechiba CMHIS (EP) Category nung adener government mapa nung teinyakdak pur aser pensioner-termeyong cards karaa agizüka inyaktsür, maka CMHIS General Category rongnung adener teyari angutsür pur indangbo menutsür, aji tejak repranga inyakba agi asü?

Teyari agütsüba sentong nungi teyari agitetsü atema nisung shiai pei taküm indang temetettsütem aser temsüa aliba kuli tejangja agütsütsüla.

Anungji, CMHIS (EP) telok nung adener rogotem indang kuli jangjatsü atemabo melamelar, kechiyong parnokbo government mapa nung inyak dang parnok temettsutem aser kuliji Government PIMS database nungi metetter aser mapa nungi anener külerna pensioner-tembo parnok meyong PPO book akaba ajanga jangjashir atar.

Ajisüaka, CMHIS (General Category) nungi teyari angutsü atema CMHIS portal nung tenüng tasen züluokertembo, parnok meyong temettsürtem yangji malir.

Anungji, teyari angutsü purtemi parnok pei pei meyong Indigenous Inhabitant Certificate (IIC) mesüra Permanent Resident Certificate (PRC) agütsüba kulitem jangjashia inyak dang mapang agitsüsa akümer.

Item kuli kakettemji pei pei district nung district administration-i jangjashitsü atema reprangdang mapa ana adoker:

1. VA (Verifying Authority) – Kuli kakettem jangjashiba mapa inyaktsü purtem.
2. AA (Approval Authority) – Repranger tesisa approve asütsü purtem.

Anungji, General Category pur atema CMHIS cards yanglu dang mapang agibaji, tanga tebilembo meshitakba agi masü, maka item kakettem jungjunga jangjashia repranga inyakba ajanga lir.



TIR YIMYIM

YIMOBILEM (EDITORIAL)

DIMAPUR ROGONÜ, AUGUST (LUROI) 09, 2024

Nübor ain adok matatsüla ?

A khidangbo asenok libaliru nung tanuri majep tashibo tetsüi mapa meyongdaktsü, ibayongji kinü tanurtem jeptepba ola kanga liasü. Ajisüaka, tanübo kinü tanur ajepba ola kangabo mangashir , kechiyong tanur majepdangyongi tetsüi mama yongdaktsür aser mapang apir tanurji mayatsüsa tebok sünga yutsür. Asenok lokti aser yimten achayangba nunga kibong libaliru nunga tetsüi pei chir kinü tanur anepaluba amaji lir. Aji oda, kasa tagütsütsü ser nung kinü tanur ajep ata ama, tanü yimten yimsüsürtemi nübortem longkak aita ain adoka atara, ashiko yaküm Sri Lanka aser taküm Bangladesh nung atalokba ama, asen lima nunga, yimsüsürtema pei lima nung melitettsüsa tensa tia ajurutsü menua mali ama nübortem jembishinüba nungi meteter. Alima nung pei aiendang, aikati tangar mezüngshii pei ajungtsü aser pei akatsü indang dang bilema inyaker. Idangji, asenbo senotsüa agir magima bendener aser alia ajir majijem aser kiojena lir melima mashilen-tashilen kecha mali bendena akar. Aji oda, asen kangara tali akaba agi tangar nisung aika kangasa sensaka timatemdagı ta asenoki metetdi. Atangji, takar akümtsüba rongsen ya ajak nem moatsür masü saka kar nem dang temoatsüji agütsür, Ibajı pa kija agitsü atema masü saka ajak atema pa nem agütsüba lir, anungji pajibo ketdangser aser telemsar dang lir. Ibajı meteta takartem i nyakra, takarji sensakertem atema alima nungbo tsüngrem akümer, anungji paa pelaa alir. Tanü asen lima tia ya reprangdangra, nisung kar takar akümbaji mapa inyakba agi masü saka mapa meinyakba agi takar akümer, anungji Nagaland nungbo takar kümnera mapa inyaktsüba masü saka mapa meinyaki 'tax' aser ' commision' dang meshia among nung manger sangwa nung takar kümadoker. Tangar lima nungbo yamaji kecha meinyakba nisung yimten nung tanishir aser yimsüsür aküm nung, manger sangwa nung takar akümbaji, akhi masü, kong nungi kechi inyakba agi yamai na takar aküm (?) ta bushisüngertem arutsü aser tepuokdak yua atatsü. Ajisüaka, asen lima nungbo yamaji bushisüngdanger mali, anungji maoyer aser tax aser commission meshia takar mekümtetertem dang akoksar amai bilemer. Tanü Nagaland nung nübortem tia reprangdangra, aluyimer mali Delhi nungi yokba relief jang agi taküm alir, business inyakertem aika takoksa nung aoer aser nübortem aika pei kibong nüngdak meperitet timtemdagı. Iba jagi election nung nübortemi pei vote sen yong yokadoker. Ajisüaka, küm pungo nung election mapang pei vote khen ayokba jagi nisung ka mesüra kibong ka kodaser katettsü ? Aji tulur takar khen khen pei yimtaki aodang yimtaklirtem nem ango kaka agütsü amai lir. Aji oda, ango agütsüji pelashishia soa chiigo saka tanabenbuba chiyongtsübo aon maka basa chiyongtsüsa akümer. Ajisüaka, anogo shiabo shingaia kibong shia nem ango magütsütettsü, anungji shitakba agibo khen soa chiyongtsü ango agütsütsü melenbo teti ango den chiyongtsüsa ango apuang sayutsüla. Tanü asen lima nungbo nübortem nem angoa magütsür aser ango aputsüa mesayur ta asüba agi, takar ka kecha meinyak ser akadang, anü tsünglu manung temang ajak raksaa inyaksangbo tebok masünger, shilumanem dang azü tuzüka tashidak tendangtsü makoker, pei chirnur kaketrejui meyoktet taküm raksadaktsür. Aji oda, kecha meinyaksang to lenmang mejungaka alima nung gari tajungtiba nung lenmang majung dak sensakertem dak lishi aser motzü jenlokja jajar, saka anüdok nungi anülü tashi inyaksang tobo khen khen nüngdak nung bus nung senzütsüa sen maka timatemer. Tanü asen lima nung lanurtem aika mapa mangu aser mapa maka temulung ajak jetsaa pei kidang moktepertem aika kümogo, Itemji ain adok matatsüla ? Itemji totzü amai lir, mi jangruloktsü temela. Asenoki nübortem meyong parnok nem magütsü asen –asen dang agitsü bilema inyakbaji kenlir apoktsü bomb yanglur amai lir. Joko, iba bomb-ji yakta asen lima nung apoktsü amai nübortemi Naga nunger lenirtem aser yimsüsürtem anema jembiba angashir. Iba bombji apok atara, asen lima nunga, ashiko, yashi Sri Lanka aser tanü Bangladesh nung atalokba amai asen kidang asen melitettsüa ataloktsü menua mali. Iba amaji mataloktsüsa Nagaland tilaka nung aliba Khristantem yagibo inyaktetsü. Atangji, majepdang yongdaktsüsa tajungba !

OLEMSABANG

TANÜ ASENOK TEBUTEP AGI TELONGJEM NUNG MERA-A AOTSÜ LEMANG LIRDO!

- L. IMLIKOKBA IMSONG, UNGMA

(Yashi adok nungi...)

Laishiba nung aguba agia asen Tsüngrem ya tebo Yosep tetsü Mari na Bethlehem-i tenüng züludaki ao nung tanendak ka tanga mangu, tesü nashi ki ka nung anenzük (koma timtem nung lir asütsü!) Ano iba denji tanur amongtsü mapang atong, kinü tanur Yisu Tsüngrem chir aseni amangbaji soa dok. Iba timtem toushi denji Yosep, Mari aser kinü tanurji bener Herod chuba ozüng tsübua nashi ki nungjia mekazütettsüsa jena mao majung tensa ajakji Yoseper kibongi tenji aser aremzük. Yisu tain kümer ain agi nükpoker ngudaktsü, tsüngtsüker jajadaktsü, tasür-a shia arudaktsü aser Yamala saytatenya ain mapa inyakdang laishiba nung nibo munguaka pa sülen anidakertem aika Kibur-i inyakdangji tera angaaka oa aser nema tanga nüpürtem dang sayur südi. Aser tasütsü anogo ishika lla Yisuji Yirusalem-i aidang yimbu-temang na nüburtemi Yisu amenba gadoji-a süng ali nung majemdakdaktsü süngo manung tang jajadaktsü. Komaka wangshia tushia llasü. Kechiyong tanü alima chuba-asüng apur oa tushiba dak alia mali. Pa-bo doktsür pa amenba-a süngla alidak majemdakdaktsü. Aser pa kangki nung agenloka südaktsü, saka tasü madak takok ngua shia aruaka "pa nashi ki nung aso" ta memelen aser tanü tashi memelener.

Asenoki jungjunga meshisadanger ashi asenok
mezüngmeshiba aika rongnung kar yamai:-

Indian Army-I rishikangshiba mapang asenok tekülem tenla kidang tetsür tebor tangsa shi nung medemang ta merenshia rishikangshiba tatalokba-a lirdo.

Taoba küm Ishika tejakdang RSS President Zunheboto-İ atua asenok tamanger tenla ki, koba Asia ajonga nung tulutiba ta züngshir, repanger ao ta osang nungsa nguogo. Aser iba sülen Southern India len balaka Khristantem ki rongdokja aridok aser par Hindu yimsü dangi memeyipra kidangi aser yimtsüngi marudaktsütsü ta ozüng agutsüba osangtemsa asenok ajaki nquogo.

Mulung nungji Khristan yimsü agizüker kumzung 150 ajongba mong sentong memetet a masü nung kasa anogo nungji (aki nung ken tanga matushi i toktsür) Indian President Kohima-i atutsü jilia District ajonga nungi HoD ajak atentsü ta osang sangoktsü.

Ano tanü asüng osang nung anguba agi Madhya Pradesh state nung Khristan School ka nung Mary aser Peter noksa agizukdaktsü aser par Hindu tsüngrem Saraswati noksa aser temaitsü yutsü aser idakji mekongshitsü ozüng aqutsür ao.

Tatalokba kaji Mulong yim ka anasa yim ka nung Muslim nunger tem tenem ka nung mesemtetta yur yangnungjagi tanurtem jar oa suoshia, achiajemtsüa aser kaket shisatsüa angazükdakli ta lliasü. Aji metetta, Dr. Clark Sahib aser Mokokchung SDO Sahib nati jembiteper tesü Longkhum nunger tasü tait Dobashi ka dang ashi nung pai yimer tashikar nisung peria anir Iua yim ka nungji anenzüka liyah nungi repranger Dobashiba kulok sangra ajanga Muslim nunger dakji eka meiaka odaktsütet ta otsü lir. Ya ajak Tsüngremi asen Aor dang aochiba ta shisatetter. Aji ka meinyaktet asübo asepok Aor Muslim vimsü aqizüka amanger aika lila

"TEMEIMBATEM, TANGARI MEZÜNGMESHIBA ANGATETA
ASENOK TEMEIM, TEPUTEP NUNG MEJAKA ODI TA
AYONGZÜÜKER"

**Iba Olemsabang nung lemsaba ken-o aser shisatsü ya iba ocet züluri
hilemba ken-o ama tazüngerı angateta aqitsü menishir**



France yimtiba, Paris nung sorkar dang nungi temelaba magi Olympic tetenzük sentong anema longkak aitba atema Khristan trok apu. August 5, 2024 nü Khristantem jagi bus ka nung "Stop attacks on Christians" ta zülür longkak aita senzü. Khristantemji police ket nung ghonda 12 shi ayuba sülen Mongolbarnep chiokogo.

US nung Khristan lenirtemi CPC nung India züngoktsü mepishi

August 08, 2024: United inyakba tatalokba 1,570 liasü temelaba akümtsü, ta saka 2022 küm nungbo item metedaktsü. Meimchir temeden atema inyakba organisations-ia tang India tensa atema tebilemtsü akaba lemsatepogo. 2023 küm Human Rights Watch report ajanga ashiba agi, Hindu BJP pusemertem aser Muslim o Khristantem tsüngda raraba kanga bulua kümogo, talisa BJP-i yimsüuba state tem nung item ama tatalokba kanga bulua kümogo, ta metedaktsü.

Kasa shidi ajanga, alima nung Khristantem atema lendong aketba linük tamajungtibatem rongnung India ya jenjang 11buba nung lir, ta metedaktsü.

Open Doors-i, Hindu yimsü alia amangertemi India ya Hindu linük ka kümdaktsüner, Khristan yimsü ya bendanger yimsü ama züngshir aser linük nung Islam aser Khristan yimsü samatsüner, ta metedaktsü.

India nung minorities nisuntem anema meimchirtem temeden alema benshiba kanga bulua akümer, ta parnoki metedaktsü.

August 01, 2024 nü Federation of Indian American Christian Organizations (FICONA)-i iba shidiji sangdonga liasü. Tang mezüng US nung Khristan lenirtemi longjemer India nung yimsü nung ajemdaker reshikangshiba tebilemtsü anema ola adoker.

Shidi nung sign süa alirtem rongnungsa Chicago nung aliba St. Thomas Syro-Malabar Catholic Eparchy nung Bishop Joy Alappatt-a densema lir.

2014 küm Centre nung Ato kiloser Narendra Modi-i aniba BJP sorkar aruba sülen nungi India nung talisa, Khristantem aser Muslim nungerem anema inyakba kanga bulua akümba asoshi lenirtemi tebilemtsü akar, ta parnoki metedaktsü.

Delhi nung amenoka aliba United Christian Forum (UCF)-i, 2023 küm kija nunga India nung Khristantem anema inyakba tatalokba 720 liasü; 2014 küm nungbo Khristantem anema inyakba tatalokba 127 dang liasü, ta metedaktsü.

FICONA-ibo, 2023 küm India nung Khristantem anema

Meimchir temeden atema inyakba organisations-ia tang India tensa atema tebilemtsü akaba lemsatepogo. 2023 küm Human Rights Watch report ajanga ashiba agi, Hindu BJP pusemertem aser Muslim o Khristantem tsüngda raraba kanga bulua kümogo, talisa BJP-i yimsüuba state tem nung item ama tatalokba kanga bulua kümogo, ta metedaktsü.

Amnesty International-ia sorkar ketdangsertem, yimtenren lenirtem aser BJP pusemertem minorities anema tesempa aser rara proker, ta metedaktsü.

US nung Khristan lenirtemi shidi ajanga US State Department dang India nung yimsü balala amangertem ajak nem kasa temeden agütsütsü atema India sorkar rongshitsüla, ta metedaktsü.

Lenirtemisa yimsü temeden aser meimchir temeden anema inyakba India sorkar agencies aser ketdangsertem anema inyaktsü mepishi.

Taküm April ita nung United

Methodist Church-ia bangzung ka renema India nung asalentong yanglur yimsü mapang ka nung US nung temeden anema inyakba Khristan lenirtemi India ya aitsüogo. Taküm May ita nung CPC nung züngoktsü mepishir.

July 30, 2024 nüa Uttar Pradesh nung sorkari 2021 anti-conversion ozüng ano tesashiba yanglushitsü atema benokogo. International Christian Concern (ICC)-i, iba telemtetba agia ozüng tesashiba yangluba ajanga Khristan missionary teloktem anema inyaktsü asoshi

ANOGO ABEN TSÜNGREM DEN

Tanela temeshi teyari

"Kechiyong nenok shi amato lira, nenok asütsüla; saka Tanela agi temang mapatem südaktsüla, nenok taküm alitsü" (Rom 8:13).

Tanela Temeshi ajanga asenoki asen temang agi tamajung inyakba koda südaktsüla? Tema nung temenen inyakbaji telunglen temenen ajungshia adokba lir, anungji item temenen tajungshibatem memesütsü asenoki angazüktsüla. Tema nung mapa agi meinyakaka temulungjang nung azüaponga ajira, aji mapa inyakba den saku ta Laishiba nung ashir. Temulung nung bilembaji tama aser mapaji tesü.

Asüküm, merumeru, chidiyungdi, pei atema dang bilemba, auyaba, nüktapangta, tashi manga aser ibala mesükba ano aika, ajakji shi mapatem lir. Kodang item tajungshiba asen dangi arudir, teyari asoshi Tsüngrem dangi aotsübaji asen mapa lir. Pa dang pa temeshiba indang tali tarokbai ia angatettsü yariang ta mepishitsübaji Khristan shia teinyaktsü mapa lir. Tanela Temeshi ajungshiba ajanga aseni aji inyaktsü akok. Pai asenok nem Khrista temeshi temeimji angatdktsür, koba asoshi aseni sarasademtsüla, süra Pai tashi agütsür, aser asenok temenen taküm nungi anitetter.

WCC-i Bangladesh nung democratic sorkar tentettsü ayongzüker

August 08, 2024: Tang inyakba tatalokbatem lir, ta Bangladesh nung yimtenren metedaktsü.

Paisa, "Mapang talanglang nung World Council of Churches (WCC)-i Bangladesh nung aliba nüburtem den tejashi lemsatepba den külemi WCC-i kanga timtemdar," ta sepaitem dang tekaraba nung democratic sorkar tentettsü mepishi.

WCC general secretary, Rev. Prof Dr Jerry Pillay-i, Bangladesh nung tashitait democratic sorkar tentettsü nungi lenirtemi ken o kanga nüngdak, ta metedaktsü.

"Linük nung mapang talangka yimjung aser azükaru alitsü atema tashitait democratic sorkar ka alitsüji kanga tongtibang asütsü," ta pai metedaktsü.

Paisa telok ajak dang tesünep nung sorkar tentettsü atema ken o jembitsü mepishi.

Bangladesh nung National Council of Churches-i lisopurtem aser minorities kümzüksü atema sarasademjang ta mepishiba lephria Pillay-ia tang ama tensa ka nung Bangladesh nung Rohingya refugees aser parnok temeden kümzüksü mepishi.

Bangladesh Baptist Church Sangha Tir aser WCC Central Committee nung züngsem, Christopher Adhikari-i, linük nung tzüzüng-ozüng tensa raksago aser Hindu nunger aser Khristantem anema

National Council of Churches-isa Hindu aser Khristantem densema linük nung minorities ajak kümzüka alitsü aser yimjung alitsü atema sarasademjang, ta mepishia metedaktsü.

Tang Bangladesh nung Islam yimsü toktsür Khristan yimsü agizükertem anema apusodar, ibayongji Khristantem aika atsüka lir, ta osang angazüker.

Ano külén Islam yimsü alia amangertemi house churches aser Hindu nunger tekülem kitem aika rongdoktsü.

AO OSHI ANGAZÜKDAK:
TANÜ ANGAZÜKTSÜBA OJANG
**Talemctsü**

(v) nisungtem rongnung lemyalemkuba (to distribute)

* Kiburi ayangertem meyong taa talemctsü shitak agütsü.

Talemctsü

(n) yipten aser menden nung alemba sü (bedsheet / table cloth)

* Onok medemertemi kü nem sü talemctsü tajung ka agütsü.

OLONG PAITEP # 6890

1					2				3
							4		
5		6			7				
8									9
					10				
		11		12					
13									
14					15				
		16							

TIPLÉN

	LANGTSÜNGLEN
1. O jembitsü tashi	- 8
5. Sünjang tapu ka	- 5
7. Tekanük nung enokba	- 5
8. Teka amtep	- 5
12. Tzük asendak	- 5
14. Tsüngpang tema aliba	- 5
15. Ken atenba yimya	- 5
16. Asangur	- 8
1. Tepok telung nung shilem ka	- 7
2. Tamajung aküm	- 5
3. Chi den külemi achiba	- 3
4. Meimchr alaimaruba	- 3
6. Laishiba nung ayong ka	- 4
9. Tarutsü nüklä	- 7
10. Tamendakdak/Nükjidong	- 4
11. Tenük-telen mejungi aküm	- 5
13. Terok nungi adokba	- 3
14. Meimchr telesma	- 3

OLONG PAITEP # 6889 TELANGZÜBA**TIPLÉN :**

	LANGTSÜNGLEN :
1. Taa, 3. Teküm, 6. Aibelen, 7. Aut,	1. Tai, 2. Asensor, 3. Tanü, 4. Kua,
9. Ajizük, 10. Ojala, 11. Semer,	5. Mitsüksü, 6. Azübensi, 8. Lah,
13. Sen, 15. Kioktsü, 17. Itsük, 18. Kar.	9. Jangkok, 12. Akok, 14. Nashi,
	16. Sur.

Arunachal nung sorkari ILP kanga junga asadangtsü tuyu**Itanagar, Luroi/August 8**

(Agencies): State security tashi taitba kiudaktsütsü aser litsü wazüka ayutsü atema Arunachal Pradesh sorkari entry points aser check gate ajak nung Inner Line Permit (ILP) kanga junga asadangtsü asoshi tetuyuba agütsüogo.

State-i aitertem kanga junga asadangtsü atema iba tetuyuba ya agütsüogo, kechiyong state-i aitsü atema ILP shitak alitsü nüngdaker.

Temalaba malirtem state-i aitba nokdangtsü atema ILP kanga junga asadangtsü asoshi inyakyim tapet benoka inyaktsü Deputy commissioners tem nem tetuyuba agütsüogo.

Sorkarisa, tali kümküma alitsü, patrolling tali yoktsü aser tongtibang tesemtemi sepaitem yoksü nüngdakba lemsatepogo.

Tetuyuba nungsa ILP tapu balala kanga junga bendanga amshitsü koda tongtibang iba indang shisema lir, kechiyong alima penzürtem atema electronic ILP agütsüba ya aayangertem mesüra tangalen nungi aruba aayangertem mamshitetsü.

Ozung alema state-i nüburtem senoka aitba nokdangtsü atema Deputy commissioner tem dang iba tebendang ya jangja inyakyim tapet benoktsü tetuyuba agütsüogo.

State sorkarisa, iba inyakyim ya tangsa tang benoka inyaktsü aser mapangshia osang agütsütsü tetuyuba agütsüogo, kong bushisüngdangba mapang temulung malemtsüsa inyakyim kar danga nguteter item indang osang agütsütsüba densema lir.

Pasighat municipal council nung councilor 6 Congress nung aden**Pasighat, Luchii/August 8**

(Agencies): Arunachal Pradesh kubok Pasighat Municipal Council nung temelenshi tulu adoka Bharatiya Janata Party (BJP) aser National People's Party (NPP) indang councilor ti aliba nungi trok Indian National Congress (INC) nung denogo.

Iba ajanga Pasighat indang local municipal body nung BJP pur tashi meiti kümogo.

Councilors trok; Rebeka Panyang Megu (Ward-4), Dy. Chief Councilor Yalop Nyigang Yomso (Ward-1), Ponung Radeng Saring (Ward-5), Mumcy Dupak Lollen (Ward-7), Okeng Tayeng (Ward-8), aser Kaling Doruk (Ward-3) nungeri taoba mapang tang tinyakdak Chief Councilor, Okiam Moyong Borang mapu nungi anentsütsü meranga liasü.

Parnoki aiben tashishiba agütsüba den impeachment motions benokaka BJP-i parnok takhangba magizük aser iba ajanga parnok mezüng NPP-i ao aser iba sülen tang Congress-i ogo.

August 7 nü councilor trok yagi parnok Congress nung adentsü telemtetba agiba indang Pasighat Deputy Commissioner nem officially osang agüja liasü. Parnok Congress nung



adenba indang District Congress Committee (DCC) tir Allen Perme-ia jangjatsüogo aser ashiba agi, parnok adenba ajanga Pasighat aser East Siang district nung party inyakyim tashi taitba akümtütsü imlar.

Perme-i, Pasighat nung smart city projects benoka inyakba nung senotsü mashiyimi amshiba, terenlok maparen jenjang kanga majungba, kong kientzü, sector lenmang, culvert, market building, park, aser stadium tem jenjang majungba densema lir ta ashi.

Item ken o tem ya Right to Information (RTI) document tem ajanga jangja aküm aser iba sülen jila nung alirtem, lokti tentet balala aser association tem ken o ashishi tenzük.

Councilors tem pelashisia agizüka Perme-i, parnok dang Pasighat Municipal Council kubok mapa balala jenjang keta inyaktsü mepeshiba den Pasighat ya Smart City ka ama lenla ajak nung terenlok asoshi longjemer inyaktsü ajungshia liasü.

Paisa, state Congress lenirtemi tetuyuba agütsüba dak ajemdaker inyakyim ajak shitak benoka inyakba sülen Congress-i takaratiba nung chief aser deputy councilor tasentem sangdongtsü, ta ashi.

Councilor tem Congress nung adenba sülen Pasighat Municipal Council nung BJP nungi Chief Councilor Okiam Moyong Borang (Ward-2) aser Oyin Gao (Ward-6) na dang anungogo.

PLA telungpur ana Imphal airport anasa apu**Imphal, Luroi/August 8**

(Agencies): Security Forces-i Bodhbarnü, tenokdangba agütsüür aliba Revolutionary People's Front (RPF) indang armed wing People's Liberation Army (PLA) indang züngsem ana Imphal, Manipur nung puogo.

Police sangdong ka ajanga ashiba agi, iba tesem nung telungpurtem kari local tem dang nungi rakzükrakdemba indang osang angazükba sülen

meita aoba sentong ka ana ya Nongmeikapam Naoton Meitei (45) aser Moirangthem Premananda Singh (50) ta jangjaogo.

Tena ya Imphal aser talisa airport temeket nung rakzükrakdemba maparen balala nung densema aliba atema aitsüogo.

Aija alisang ana den tena ket nung apuba osettem police ket nung bendanga agütsüogo aser bushisüngdang maneni südar.

**GOVERNMENT OF NAGALAND
DIRECTORATE OF ANIMAL HUSBANDRY & VETERINARY SERVICES
NAGALAND: KOHIMA**

NO. VET/EXTN/VFA-10/2024-25/1503-07 /**DECLARATION OF RESULT (WRITTEN EXAM)****Dated Kohima the 8th August 2024**

The Department of A.H. & Veterinary Services conducted the written examination for selection of the candidates to undergo 29th batch VFA training during 2024-25. The following candidates have been selected for appearing the oral examination scheduled to be held on the 20th, 21st & 22nd August 2024 at the Conference Hall, Directorate of A.H. & Veterinary Services, Kohima, Nagaland from 10 AM onwards. The schedule for interview will be as follows.

Roll No. 4-119 on 20.08.24, Roll No. 122 -285 on 21.08.24 and Roll No. 299-460 on 22.08.24.

The candidates are required to bring the ADMIT CARD and the ORIGINAL DOCUMENTS from HSLC exam onwards, Scheduled Tribe, Indigenous & Backward Tribe certificate.

ROLL NUMBERS

4	6	7	9	11	13	14	16	18	20
21	23	24	25	26	27	28	29	30	31
32	33	34	35	37	38	40	41	45	46
48	53	54	55	56	57	58	60	61	62
63	69	72	73	74	75	76	77	79	80
81	83	84	88	90	91	92	93	94	95
98	100	102	108	109	111	114	116	117	119
122	124	131	133	136	139	140	141	143	144
147	151	152	155	156	157	160	162	167	168
169	172	173	175	178	180	182	184	185	186
186	187	189	190	191	195	196	203	204	205
206	209	213	218	219	220	222	226	228	234
235	237	239	241	242	245	246	247	249	254
258	260	272	273	274	276	280	281	284	285
299	300	313	314	317	318	323	324	325	327
329	334	338	341	342	343	345	353	355	357
361	362	364	366	367	368	370	371	374	375
382	383	384	385	390	392	393	394	397	398
400	401	402							

**GOVERNMENT OF NAGALAND
DIRECTORATE OF HEALTH & FAMILY WELFARE
NAGALAND: KOHIMA.**

NO. DHFW-3/Court- Case/Peren/Gr-IV/7519-26

Dated, Kohima, the 7th July '24

ADVERTISEMENT

In pursuance of the Government of Nagaland, Department of Health & Family Welfare letter No.HFW(A)COURT-4/169/2023/265 Dated Kohima the 12th July 2024, Applications from indigenous inhabitants of Peren District are hereby invited to fill up 5 (five) posts of Grade-IV as shown below under the establishment of the Medical Superintendent, District Hospital Peren. This is in compliance of the Hon'ble Gauhati High Court, Kohima Bench Order dated 19.02.2024 on W.P (C) No. 19/2023, 21/2023, 22/2023, 23/2023 (Shri. Pelingrang Hegui - Vs- State of N/L & ORS), (Shri. Keyirangdaube - Vs- State of N/L & ORS), (Smti. Ingauheile Hegalei - Vs- State of N/L & ORS), (Shri. Keyikiteing - Vs- State of N/L & ORS), (Smti. Ilunga - Vs- State of N/L & ORS).

Sl. No.	Name of the Post	Place of Posting	Remarks
1.	Medical Attendant	District Hospital Peren	3 (Three) Posts
2.	Multi-Tasking Staff (MTS)	District Hospital Peren	1 (One) Post
3.	Lab-Attendant	District Hospital Peren	1 (One) Post

- (1) The applicant should be an indigenous inhabitant of the concerned area. (As per Govt O.M. issued vide No.AR-3/GEN-174/2007 (PT) dated 26th October 2017)
- (2) The age of the candidate should not be less than 18 years and not more than 35 years as on 31.03.2024, which shall be supported by the Birth Certificate from the Department of Economics & Statistics.
- (3) Candidate should be at least Class V passed.
- (4) Application should reach the Directorate of Health & Family Welfare on or before 23rd August 2024 at Room No. 301 (Non – Gazetted establishment) Section during office hour.
- (5) Interview will be held in the Directorate of Health & Family Welfare on 28th August 2024 starting from 11:00 AM at IDSP Hall.
- (6) The candidates are hereby directed to bring the following documents in original.
 - (a) N.O.C from the respective Village Council/Ward Chairman.
 - (b) Indigenous Inhabitant Certificate.
 - (c) Schedule Tribe Certificate.
 - (d) Academic Documents.
 - (e) Birth Certificate
 - (f) Incomplete applications shall be summarily rejected by the Board.
- (7) No separate calling letters will be issued, the selected candidates result will be notified in the local dailies.

SD/-

(DR. E. MOTSUTHUNG PATTON)

Principal Director

Directorate of Health & Family Welfare
Nagaland : Kohima.

August 9, 2022 - August 9,

**2nd DEATH ANNIVERSARY
MRS. SUWAIENLA JAMITSUR (Longmisa)**

Temeim Oja,

Na sur kum ana tashi jungaka kenü danga na meibilemtetti mesüdaktsua no. Tebang agi meshitetba mulung shirang liaka ne sarasadem bileyemtettang, nai inyaka toktsuba mapatem angudang, ne teyarinu aser tejungnuk jakla den ochi mapatem bileyemteta ajanga onok mangyim jashi nungi tesüne angur. Oja, nai junga litetta yutsuba asoshi Tsüngrem tenüng asanger, iba temoatsu nung onok pela alir.

*Teti dang meima aliba,
Chirnur, Anükapang aser
Semchirtem.*

SANGDONGER

Ni, Mr. Kilangzulu-i kum aika Akangnungsang mezüngmeshia paper tapu balala nung Aongza-lu nung maden ta zuluogo. Joko iba ama osang kaket nung kodanga madoktsutsu ta tanü anogo (7/8/2024) ni nangzüker.

Aongza lumang nung onok kin asem, Angur, Longkumer aser Kichu ta lir.

Sd/-

T. Kilang Longkumer

**Israel-i Hamas lenir tasenba
Yahya Sinwar tepsettsü nangzük**

Jerusalem, Luroi/August 08

(Agencies): Gaza rara mechii region nung tensa mejungi akum tenzüker Bodhbarnü ita

11 buba nung mejakloka aidang Israel-i Hamas lenir tasenba Yahya Sinwar samatsutsu nangzük, shibai October 7 nü Israel amaktsü tasa yanglu ta tai tonglokja liasü.

2020 kum Biden-i takok anguba sülen Trump-i kuli tejangja magütsütaka election nung tim masuba mapa inyakogo ta tai tonglokja liasü.

Pa bhukumer temi 2021 kum January ita election result certify mesüdaktsutsu meranga Capitol building telungi ai. Iba anogo yangji shilem agir aikati taoba tiri jembiba ama election meshidaki agiogo ta jembia liasü.

Bodhbarnü military base ka nungi jembidang, Israel-i pei sasa kumzuka alitsu temulungtetba nung lir, ta Ato Kilonser Benjamin Netanyahu i ashi.

“Defensive atema aser offensive atema onok renema lir,” ta pai osangbener dang ashi.

Army tekolakba Lieutenant General Herzl Halevi-i Sinwar bushiteta amaktsü aser Hamas nem ano lenir ka bushidaktsutsu nangzuka lir.

Sinwar ya 2017 kum nung Gaza nung Hamas lenir inyaka arur, aser Israel puti otsu nung tesashitiba lendong October 7 nü atalokba sülen pa mangur.

Lebanon nung Hamas den tesendaktep kanga junga aliba telok Hezbollah-i Sinwar nem tenüng sang agütsü aser pa shimba ajanga tsükhir temi Hamas lenir aser ketdangsür tem tepsetaka par nükjidong nung takok manguba sayur ta ashi.

US Secretary of State Antony Blinken-i osangbener den jembidang ceasefire alitsu

(Maneni tapak 8 nung...)

Trump-i takok mongura timtem ajurutsü akok: Biden

Washington, Luroi/August 08

(Agencies): November ita tir election nung Donald Trump-i takok mongutetra tesunep nung yimten tashi melenzüksütsü ta meshiteter, ta US Tir Joe Biden-i ashi.

Taoba ita US tir election asoshi tokteba nungi anener mezüngbuba CBS News den sensaksema mapang “Trump-i tamakok ajurura, ni temulung lemteta mali,” ta ashi.

“Pai (Trump) kechi jembir aji inyaker, asenoki süoki ia magizüker. Pai tamakok ajurura azüdokshi alitsü ta ashiba ya shidakba jembir.”

March ita auto industry atema jembidang Trump-i election nung tamakok ajurura linük asoshi azüdokshi alitsü ta ashiba ajanga nüburtemi pa aitsü.

Democrats temi par nübuyimba nung iba ojang amshia taoba tir ya linük indang

democracy asoshi lendong lir ta jembir.

Biden campaign ajanga adka nung “bloodbath” ojeng amshia social media account tem nung prokshi aser Trump-i yimtenren nung azüdokshitsü ajungmesor ta aitsü.

Ajisüaka Trump campaign ibo iba o ya auto industry atema lir aser asaa meshidaki agiteta amshir ta shir.

Parnoki fundraising email ka yokba nung Trump indang political opponents aser dangar temi khenyongi meshidak angateta jembir ta ashi.

“Crooked Joe Biden-i melaba imports indang jembir ta parnoki angateta lir, koba ajanga automobile industry tepseter,” ta Trump-i iba mapang social media nung züluha liasü.

Taoba mapang pa den toktepsi election nung tamakok magizüktetsü, ta

tesüiba anogo 23 tsüngta nisung 560 shi süogo.

Bodhbarnü nisung 21 tali tepseter liasü. Nisung 232 nungi timba Mongulbarnü asü. Parnok kar temang anepaluba mapang asü.

Gazipur nung Kashimpur high-security prison nungi Mongulbarnü nisung 209 shi jena ao. Prison guards temi tepuokdak alir jena aoba anendaktsutsu mechi injang khaloktsü aser iba mapang telungpur asem densema nisung trok asü, ta ashir.

Hasina atsüngdoker Bodhbar nikongdang tashinung nisung 232 astuba osang lir, ta Prothom Alo osangkaket ajanga ashi.

Ibai matalokdang July 16 nungi August 4 tsüngta sorkar mapa nung quota system anema longkak aitdang nisung 328 tepseta liasü. Ajak senteper

police tem mapai marui akumba sülen linük nung security tsütsü tebilemtsü tulu adok. Security personnel dak amakba osang angashiba mapang police temi

Biden-i taoba mapanga shia lir.

June ita CNN nung o intepba mapang Trump dang indang indanga ai 2024 election results agizüktetsü asü, ta asüngdanga liasü. Iba mapang “Ozung agi mela aliba ama shidak aser tajung sura agizüktü,” ta pai langzüa liasü.

2020 kum Biden-i takok anguba sülen Trump-i kuli tejangja magütsütaka election nung tim masuba mapa inyakogo ta tai tonglokja liasü.

Pa bhukumer temi 2021 kum January ita election result certify mesüdaktsutsu meranga Capitol building telungi ai. Iba anogo yangji shilem agir aikati taoba tiri jembiba ama election meshidaki agiogo ta jembia liasü.

“Nai takok angudang dang nai linük meimtsu masü,” ta Biden-i CBS den sensaksema mapang ashi.

Ajisüaka Brehostibarne police headquarters nungi iba tayongzükba ya agüja liasü.

Bodhbarnü Inspector General of Police (IGP) tasenba Md. Mainul Islam-i linük tesem ajunga nung police tem dang ghonda 24 tsüngta pei mapa inyak tenzüktü totuyuba agüja liasü.

Tesüiba anogo asem tashi lenmang nung traffic police tem meliasü. Iba mapang linük yimtiba nung kaketshir aser danga voluntary organisation temi traffic police ama inyaka liasü.

Kasa mapang Chuadanga nung aliba Darshana ICP check post nung Border Guard Bangladesh (BGB) ajanga Hasina’er Awami League lenir ana apu, shirnok linük nungi jena aotsü meranga liasü.

Bangladesh nung sorkar laoba sülen nisung 232 tepsetogo

Dhaka, Luroi/August 08

(Agencies): Sheikh Hasina-i aniba sorkar Hombarnü laoba sülen Bangladesh linük tesem ajungalen azüdokshi nung nisung 232 takum samaogo, anungji July ita tiyonglen nungi sorkar mapa nung quota anema longkak ait tenzüker asüba nisung 560 ajunger.

Kaketshir temi lar yimten anema hopta aika longkak aita arur Hasina ya taoba hopta ato kilonser menden nungi alu aser linük yutsür jena ao.

Hasina atsüngdoker Bodhbar nikongdang tashinung nisung 232 astuba osang lir, ta Prothom Alo osangkaket ajanga ashi.

Ibai matalokdang July 16 nungi August 4 tsüngta sorkar mapa nung quota system anema longkak aitdang nisung 328 tepseta liasü. Ajak senteper

tetsübo nung mapai maor ta ashi. Ajisüaka Brehostibarne police headquarters nungi iba tayongzükba ya agüja liasü.

Bodhbarnü Inspector General of Police (IGP) tasenba Md. Mainul Islam-i linük tesem ajunga nung police tem dang ghonda 24 tsüngta pei mapa inyak tenzüktü totuyuba agüja liasü.

Tesüiba anogo asem tashi lenmang nung traffic police tem meliasü. Iba mapang linük yimtiba nung kaketshir aser danga voluntary organisation temi traffic police ama inyaka liasü.

Kasa mapang Chuadanga nung aliba Darshana ICP check post nung Border Guard Bangladesh (BGB) ajanga Hasina’er Awami League lenir ana apu, shirnok linük nungi jena aotsü meranga liasü.

“Defensive atema aser offensive atema onok renema lir,” ta pai osangbener dang ashi.

Army tekolakba Lieutenant General Herzl Halevi-i Sinwar bushiteta amaktsü aser Hamas nem ano lenir ka bushidaktsutsu nangzuka lir.

Sinwar ya 2017 kum nung Gaza nung Hamas lenir inyaka arur, aser Israel puti otsu nung tesashitiba lendong October 7 nü atalokba sülen pa mangur.

Lebanon nung Hamas den tesendaktep kanga junga aliba telok Hezbollah-i Sinwar nem tenüng sang agütsü aser pa shimba ajanga tsükhir temi Hamas lenir aser ketdangsür tem tepsetaka par nükjidong nung takok manguba sayur ta ashi.

Bodhbarnü France Tir Emmanuel Macron-i Netanyahu dang tayang mekepzükteptsü ashi aser aji masüdang Iran Tir Masoud Pezeshkian danga kasaji shia liasü.

Subroto Cup: Nagaland team quarterfinal metongtet



August 8 nü BR Ambedkar Stadium New Delhi nung Subroto Cup 2024 Junior Girls U-17 asayamung nung SS Sambalpur den masaya tsüngda Nagaland tetsü team tangokba noksa nung angur.

Dimapur, Luroi/August 8

(**TYO**): Tang asaya aliba Subroto Cup 2024 Junior Girls U-17 asayamung nung Nagaland Junior Girls U-17 team-i Brehostibarnü pool G nung Sainik School, Sambalpur goal 5-1 agi kokogo. Iba asaya ya BR Ambedkar Stadium, New Delhi nung asaya liasü.

Asaya nung Mhalo-i goal 4 idaktsü aser Akhrienuo-ia goal ka idakja liasü. Iba asaya akokba sülen Nagaland team-i point 7 angu aser Pool G nung

tanabuba jenjang nung tembanga liasü. Pool G nung NCC Mizoram-ia point 7 ngua parnok temaba jenjang nung liasü.

Iba pool nung Nagaland aser Mizoram na point kasasa liasü saka goal difference nung Nagaland team quarterfinal metongtet.

Kasa mapang nung Nagaland U-17 Girls Football team Manager William Kosoi, iba asayamung nung team-i kanga junga asayaba atema liasü.

kanga pelaba lemsatep aser ashiba agi, iba asayamung ta team asoshi tajangshiba aser exposure tajung ka liasü.

Iba asayamung nung Nagaland team Pool G nung NCC Mizoram, Sainik School Sambalpur aser Airforce School New Delhi den ata liasü. Parnoki Airforce (AF) School New Delhi goal 2-0 agi akok, NCC Mizoram den draw asü aser Sainik School, Sambalpur goal 5-1 agi koka liasü.

Kasa mapang nung Phogat-i, la Olympic nung disqualify

Di Maria ano Benfica nungi küm ka asayatsü

Luchii/August 8, 2024

(**Agencies**): Argentina nunger asayar tejen Angel Di Maria-i Portuguese club Benfica den tenangzükteba yanglubishi

atema telemtetba agiogo, ta Lisbon nung amendaker aliba iba club sangdong ka ajanga metedaktsü.

Arishi küm 36 tain ya Argentina club Rosario Central nung adentsü atema sensaksema liasü, saka par kibong mezüngmeshiba den amokmerenba sülen temulung melenshia liasü.

"Ni Benfica nung ano küm ka asaya-a maneni title tem abentsü atema pela bilemer," ta arishi küm 36 tain asayar yagi ashi.

Argentina team-i World Cup aser Copa America akokba nung Di Maria-i teyari tulu agütsüogo aser pa Real Madrid, Manchester United, Juventus aser Paris Saint-Germain nunger nungia asayaogo.

Pa Benfica nung 2023 küm aden aser iba team Portuguese league nung tanabuba jenjang

nung tembanga asayaba mapang pai teyari tulu agüja liasü.

Ni Central-i meyipa oa idakji asayatsü aser iba mapang asaya nungi anentsü kükükü nükjidong liasü, ta Di Maria-i July ita ashi.

Ajsüaka asayar yagi ashiba agi, Rosario Central den sensaksema indang nüburtem metedaktsüba sülen par aser par kibong amokmerenba ajanga pa kanga tezüdanga liasü aser ibayongji iba club-i maotsü telemtetba agia liasü.

Rafael Nadal US Open 2024 nung masayatsü

Luroi/August 8, 2024

(**Agencies**): Grand Slam 22 tashi koker aliba asayar Rafael Nadal-i Bodhbarnü, pa US Open nung masayatsü ta shiogo. Arishi küm 38 tain Spain nunger asayar yagi ashiba agi, pai iba asayamung nung tajungtiba masayatetsü ta bilemer.

"Ni kü dak aketba sempet noklang nung noklang amshia masayatetsü ta bilemer," ta Nadal-i X ajanga ashi.

Nadal-i shibai US Open pezüben koker lir, pai ashiba agi pa taruba ita Berlin nung Laver Cup nung asayatsü.

Taküm US Open nung masayatsü atema telemtetba

agiba sülen pa taoba Grand Slam tenet nung trokbuba nung masayatsü lir. Pa taküm French Open nung asaya saka mezüngbuba round nung tsükatok.

"Ni taküm US Open nung masayatsü telemtetba agiba nenok nem metedaktsütsü atema iba ya zülür," ta Nadal-i post sütsü.

"US nung kü indang fan tem ajak dang kanga pelar aser nenok ajak menongratsü. Tanga mapang ka nung ajurutepti. US Open nung nung asayatsüpur ajaki kanga junga asayatsü imlaja atar," ta paisa shisem.

Nadal, Roland Garros nung Paris Olympics nung asayaogo,

kong pai French Open kija asaya 14 ben koker lir. Spain nunger asayar shibai 2008 küm Olympics nung kija asaya nung gold medal ka ngur lir pa taküm Olympics nung tanabuba round nung Novak Djokovic-i tsükdaktsü aser tarep asaya nunga Carlos Alcaraz dena quarter-finals nung tsüka liasü.

Taoba ita Bastad nung Nadal final tonga asaya, koba pa asoshi 2022 küm sülen mezüngbuba ATP final liasü, saka pa Portugal nunger asayar Nuno Borges-i tsükdaktsü.

Nadal-i Grand Slam ka tatems 2022 küm French Open nung koka lir. Pai US Open ya tesüsa 2019 küm koka liasü.

Vinesh Phogat-i la asaya nungi anenba sangdongogo

Luroi/August 8, 2024

(**Agencies**): India tsür wrestler Vinesh Phogat Olympics nung disqualify asuba sülen Brehostibarnü sangdong ka ajanga la asaya nungi anenba X ajanga sangdongogo.

CAS-i la temepishiba agizükogo aser Brehostibarnü tashi nungbo obendang ka agütsütsü imlar. CAS ya alima nung asayamung balala asayaba mapang mangatetep adokbatem bentettsü atema international lokti tentet ka lir, koba Switzerland nung amendaker lir.

Phogat ya Bodhbarnü Paris Olympics 2024 nung 50 Kg freestyle final nung disqualify süja liasü. Arishi küm 29 tain asayar ya final asayatsüba anogo atakzükja aliba temang tozük dang nungi tera agi timba kümér aliba ajanga disqualify süja liasü.

Vinesh-i la indang fan tem dang tatok meshi aser ashiba agi, la tasü meiti kümogo aser la joko ojang dang asayatettsü. La 2001 küm asaya tenzük aser 2024 küm asaya nungi anener.

Vinesh-isa, la pusemertem dang kanga pelaba lemsatepa liasü.

Kasa mapang nung Phogat-i, la Olympic nung disqualify

sütsüba dak sendakba nung Court of Arbitration for Sport (CAS) nem temepishiba ka agütsüogo. Lai la nem silver medal danga agütsütsü mepeshia asüngdangogo.

CAS-i la temepishiba agizükogo aser Brehostibarnü tashi nungbo obendang ka agütsütsü imlar. CAS ya alima nung asayamung balala asayaba mapang mangatetep adokbatem bentettsü atema international lokti tentet ka lir, koba Switzerland nung amendaker lir.

Phogat-i Mongolbarnü otsü tasen ka yanglua la India tsürtem rongnungi Olympics nung wrestling asaya nung mezungbuba final atongba asayar aküm. Semifinal nung lai Cuba tsür Yusneylis Guzman Lopez amokbanger asaya-a asaya 5-0 agi akok.

Ajisüaka Bodhbarnü temang tozük odangba mapang la gram 100 agi timba kümér aliba ngutetba sülen tia maka disqualify sütsü.

BENDANGLI OSANG : Tapak 7 nungi...

Israel-i Hamas lenir tasenba...

Pezeshkian-i Macron den telephone ajanga jembidang, rara nungi kumzüka linera West-i Israel dang nok-nü ayokba aser yariba tangsa anentsüla, ta shia liasü.

Ni Central-i meyipa oa idakji asayatsü aser iba mapang asaya nungi anentsü kükükü nükjidong liasü, ta Di Maria-i July ita ashi.

Jeddah nung amenoka aliba Organisation of Islamic Cooperation-i Haniyeh tepsetba ya Israel mapa lir aser ibai Iran temeden anema inyakba lir, ta Bodhbarnü ashi.

Iba bloc nung menden ya

Gambia-i bena lir aser iba linük indang Foreign Minister Mamadou Tangara-i Haniyeh tepsetba ajanga region ajunga adentsüsa rara tuluba adoktsü jenjangi yokogo, ta shia liasü.

Israel-i Haniyeh tepsetba indang kecha shia mali saka Shukr tepsetbabu parnoki tenüng agiogo.

Israel-i rakzüka aliba Golan Heights nung rocket khalokja tanur 12 tepsetba atema Hezbollah commander dak tai tonglokja lir.

Israel sepaiteni Gaza nung raraba mapang Hezbollah teloki anogoshia amai arütsü alema injang-bomb khaloktsü.

Bodhbarnü arütsü anasa Jouaiyya nung Israel-i amakdang Hezbollah fighter ka aser civilian ka asü, ta

Lebanese security sources ajanga ashi. Israel mitkari iba tesem nung Hamas commander ka tepset ta ashi.

Lebanon-i aoba tayimtsü aika thiogo aser Iran-i civilian airlines dang par airspace azüngstsü metedaktsü.

United Nations-i Lebanon nung UN staff kibong züngsemtem khen atema ajemtsür saka staff tem mainshidaktsür, ta shia liasü.

Palestine nunger Hamas ajanga October 7 nü Israel amakba ajanga Gaza Strip nung Israel-Hamas rara tenzük, kong Syria, Lebanon, Iraq aser Yemen nung Iran-i yariba telungpur temi shilem agitar.

Hamas-i Israel amakdang civilian timba surnisung 1,198 tepset aser nisung 251 pua

bener ao, aser item rongnung Gaza nung tang tashi nisung 111 lir aser yangji 39 süogo, ta Israel mitkari ashir.

Tesüiba ghonda 24 tsüngta Israel mitkari amakdang nisung 22 tepset aser 77 yirutsü ta Gaza indang Health Ministry ajanga ashir.

Gaza nung October 7 nü nungi tenzük Israel mitkari Palestine nunger 39,699 tepsetogo aser 91,722 yirutsü lir.

BILEMDANGANG

"Tanü nü mapa agi nisung kabosa ajungmesotsü merangang."